



東萊先生詩集卷第十一



食筍

呂本中

居仁



窮鄉未寂寥五月富筍茁近山新得雨此物晚
 亦發初看數寸出意有千尺拔長條不成鞭乃
 以美見伐錦綉罷駢頭玉指已不韋坐令藜藿
 口如受溙瀟消連年江海病未免魚蟹罰甘津
 到齒頰恐亦此或未察居閑快一飽我已久斷殺
 更莫厭比鄰時時聽羹羹

白鬚

不作韓城住，虛為河朔行。
白鬚鑷更出，知為阿誰生。

宿劉固寺佛殿下，即劉伶墳也。

劉伶墳上土，佛殿古崔嵬。
坐久野僧出，天寒飢雁來。
千年醉裏魄，一雨死前灰。
未盡先生意，空留數字回。

懷衛道中寄京師諸友三首

客舍冷如漿，客夢甘如飴。
初無遠行念，况有徂年悲。
平生好交游，大半走路歧。
不如亭前月，所到長相隨。
何時脫身去，共採西山芝。
有見當似公，尚能傳我詩。

直莫如兩王，清莫如兩方。
孫謝豈不美，久滯尚書郎。
黎子老歸國，只今鬚鬢蒼。
邵子住山雲，款出未肯忙。
高子出林壑，坐看天際翔。

人誰不小康，李趙常窮東。
窮關饜溫火，老未飽

饘粥它長未透數此事已絕俗為人死不厭自
奉一糲足

河堤

平田接長河眼界起突兀今日並堤行麥壟青
已出客行不知晚但感此節物新霜被西山久
厭塵土沒坐懷故人面于此見髣髴

寄濟州張揆

張卿留客酒如澆我欲從之病不能憶過公家
更東望斷崖高樹雪層

田家樂

東家西家蠶上簇南村北村麥白熟小兒腰鎌
日早歸大兒去就田間宿斗酒相邀不為薄鄰
翁相對且斟酌聖主當陽億萬年歲田
家樂

梅

獨自不爭春都無一點塵忍將冰雪面所至媚
遊人

寄崔德符

江城昔往還耆舊各能文暫別猶相憶雖忙亦
見存好詩能愈病濁酒不勝渾他日經行地相
尋夜叩門

還家

解鞍歇馬倦西遊過眼文書且罷休薄酒向人
殊有味長年於世已無求常情未語溝中水俗
眼能驚海上鷗何處雲山不堪隱更誰辛苦訪
菟裘

即事

晚崧早蕪老不厭夜鯉晨鳧多見疎地僻難尋
野僧飯路長時枉故人車青山出沒塵埃裏白
髮栽培疾病餘更有腐儒窮事業夜窓殘燭一
編書

讀易

春溫瘡疥繁衣敝蟣虱細頽然坐南軒讀易初
有味初看象數殊忽此爻象異紛々者衆說行
各半途滯大言累千百雜說解記一二坐令人
分復以小大計或強出枝葉或自起旒鬚孰能

紫蘅集
言語表能使意獨至空中本無華眼病因有翳
沈思忽有得是則入精義吾生晚聞道歲月今
少憩遺經日在眼似足了一世臨流濯垢衣尚
勿惜餘棄

復往大名三首

復往真無策茲行亦漫遊塵埃走劇暑風雨占
新秋便欲還家去其誰為汝謀尚憐蘇季子虛
敝黑貂裘

二

我老不自得每為飢所敝漫拋青蒻笠空負白
髭鬚見賊猶堪鬪逢人莫問途囊匣足秀句山
澤有矐儒

三

地濕頻經水田荒亦未收斷雲催雨過漲水沒
橋流半世想高臥十年悲遠遊藜羹不用挾尚
足飏飏喉

開德道中

五更發荒村小憩草市北披衣渡積水月落天

正黑豆苗半委地野父厭匍匐我馬則已飢泥
土泥^汚羈勒翻思在家時一飯亦假貳小兒不解
事笑語頗自得一官走道踞此責久未塞速行
勿遲留有手須擊賊

陽翟道中

不為傷離別其如漸老何祇應從此去轉覺白
鬚多

長葛道中遇周原仲

羸馬衝寒驕不駛積雪殘冰雜泥滓長葛縣中

日落時舉頭忽見周夫子下馬相看西^兩驚怪各
喜南歸此身在僧房夜語久不眠更摩枵腹償
詩債子行四方尚謀食我亦年來倦行後櫪下
驂駟世得知海底珊瑚人未識長安公卿富貴
客誰能日在子思側洛陽少年未宜輕看子重
陳治安策

簡叔易益謙兄弟

秋來歸興復如何李范散名更羨渠他日買田
我有策兩家兄弟要鄰居

贈益謙兄弟

范郎走微官清固不絕倍家常四壁立腹有萬
 卷讀爾來所為文深若泉萬斛紆餘風過水宛
 轉蟲蛙注木諸弟况可人不但好眉目丹穴固出
 鳳藍田自宜玉行扛九鼎重頓使一世伏聖朝
 急用士如子尚窮獨乃知德在躬不必富潤屋
 我病拙文詞筆鈍如髮禿時逢子兄弟未已語心
 已足長空絕纖埃何處着鳧鷖朝來秋氣清佇
 看飛鴻鵠

題蘆雁扇

雁下秋已晚江天風雨微寧為聚沙立不作傍
 雲飛

游西宮有感

種：不如意悠悠無復聽漫尋村路好似得片
 時醒水隱城物白山來樹杪青晚田收櫟襖殘
 日度苓箬興入山陰道詩如歷下亭荒原子晉
 廟千載想儀型

送一書記杲公作天寧化士

田家得米輸官倉一粒不得囊中藏天寧化士
去如雨此亦未易能低昂因官乞取民始病况
復妄邀檀越敬縱令不得半錢歸堂中聖僧應
自知

京城圍閉之初天氣晴和軍士乘城不
以為難也因成四韵

賊馬侵城急官軍報捷頻民心皆欲關天意已
如春魏闕方佳氣王幾且戰塵不妨來往路經
月絕人行

守城士

北風且莫雪一雪三日寒不念守城士歲晚衣
裳單衣單未為苦隔壕聞戰鼓殺賊須長槍防
城要強弩砲來大如席城頭且撐柱豈不知愛
身傾心報明主報主此其時一死吾亦宜未敢
望爵賞且一作幸今無事歸寄語守城士此言君
所知

聞軍士求戰甚力作詩勉之

今春賊來時軍士怖而走今冬賊來時決拾作

射指兩肘憤然思出關不但要死守仰懷吾君
仁愈覺戎虜醜茲以占天心于焉卜長久暫勞
何足道富貴要力取行看斬賊頭金印大如斗

丁未二月上旬四首

丞相憂宗及編氓恐禍延乾坤正翻覆河洛倍
腥羶報主悲無術傷時祇自憐遙知漢社稷別
有中興年

二

厄運雖云極群公莫自疑民心空有望天道本

無知野帳留黃屋青城插阜旗燕雲舊耆老寧
識漢官儀

三

羽檄從天下于今久未回如何半年內不見一
人來周室仍遭變宣王且遇災猶存九廟在咫
尺得析哀

四

主辱臣當死時危命亦輕誰吞豫讓炭肯結仲
由纓洒血瞻行殿傷心望虜營尚留儀衛否早

晚復神京

兵亂寓小巷中作

城北殺人散徹天城南放火夜燒舡江河夢斷
不得往問君此住何因一作綠窳身窮巷米如
玉翁尋濕薪媪爨粥明日開門雪到簷隔牆又
聽隣家哭

圍城中故人多避寇在隣巷者雪晴往

訪問之坐語既久意亦暫遠也

雪泥春既融曉日初破霧出門尋故人来往不

數步共談江南勝閉眼想去踏松風被茅屋稻
壠立白鷺行看賊圍解春水即可渡先當上鐘
山次第入廬阜生平泉石念久受塵土泥况今
九死餘轉覺處事悞豫讓懷岩壑裏所至陪杖屨
可行君莫辭行李我已具

城中紀事

生平足艱窘可歎不可言兩遭重城閉再因群
盜奔今茲所直遇我豈不與聞脫身保兒女恐
辜明主恩傍徨不忍去敢計生理存昨者城破

日賊燒東郭門中夜半天赤所憂驚至尊是日
雪正政作疾風飄大雲十室九經盜巨家多見焚
至今馳道中但行胡馬群翠華久不返魏闕連
妖氛都人向天泣欲語酸復吞我病未即死爾
來春既分剥床供晨炊兩眼烟已昏豈無好年
可與共勲殊志士或不耻有身期報君塞水須
塞源伐木須伐根子莫笑短拙荆蠻生伍員

讀易

江北江南公不歸人言公懶笑公痴閉門端坐

讀周易直過新春圍閉時

無題

胡虜安知鼎重輕禍胎指元是漢公卿襄陽
耆舊惟龐老受禪碑中無姓名禍胎一作指蹤

懷京師

北風作霜秋已寒長江浪生船去難客愁不斷
若江水朝思暮思在長安長安城外高十丈此地豈
容胡馬傍親見去年城破時至今鐵馬黃河上
小臣位下才則拙有謀未獻空惆悵漢家宗廟

有神靈但語胡見莫狂蕩

讀司馬公集解太玄

京城半年圍道路三月病輕舟過江來所向復
未定客房夜涼冷氣體亦粗勝月穿窓鏤白風
入桐葉勁挑燈讀太玄受此頃刻靜物數極三
甲此理本天命首贊則分行故來及世應古歷
漢則止易定實更三聖哀哉揚子雲上與數子競
雖云耗心力固自有捷徑後來司馬公獨歛衆
說盛錙銖判訛謬一宗蒙是正讀玄則知易此

實公所證如何少年子便欲獻譏評我老未知學讀此
知不稱掩卷坐搔首一洗肝肺淨明朝尋故人
此語殊未竟

黃池西阻風

烏雲啣日不出驟雨飄風吼三日扁舟寸步
不得行坐歎輕鷗如箭疾我行去家秋復冬故
園回思春夢中客愁茫茫若水江生計渺渺隨
征鴻三年京城共憔悴一杯此地難從容長溪
卷浪雲花碎遠山橫空眉黛濃故人別我上江
去亦有書來喚同住破屋數間君有餘太倉五

升我己具嚴霜未放鷹隼擊盤渦恐致蛟龍怒
片帆欲掛任篙師君但徐行莫深懼

景德北窓

雲橫樹陰濃雨漲溪水白故人喚我出已度蒸
暑厄北窓非不佳尚若眼累窄小樓陰床後自
與塵霧隔更憐昭亭山相向有佳色君能具鷄
黍畧不厭須索我能知子窮子亦能愛客人生
要如是一舉乃諷百我病思遠引未塞交友責
便當約諸公歸耕作長策囊無一錢贏歲晚會

有獲

昭亭廣教寺

故人喚我去一作久雨值新晴草暗鼯鼠出山
深鴨鵝鳴齋厨半盂粥草具一杯羹尚肯頻來
否門前春筍生

昨日之熱一首贈趙彥強

昨日之熱未為熱涼風頗隨團扇發今日之熱
不可言西山火炎塵障天高樓堅坐若燔灸常
恐秋到無寅緣與君相從今幾日欲度一日如

長年憶昔京城值秋雨人家邂逅得細語不愁
 歸舍少薪米且喜尊前好賓主去年君自雲中
 歸隔巷尋君相勞苦是時強處在城下耳猶厭
 聽賊營鼓豈知喪亂到江南同向宣城過殘暑
 晚來一雨天遂涼便思約君來對床：前適有
 新酒熟君醉可舞吾能狂醉中談天亦未妨回
 舡吳中君勿忙

又贈

日：佳壘嶂君能同此遊黑雲終映日白雨忽

穿樓盜賊何時定溪山且自幽炎蒸不須厭俄
 頃是新秋

題涇縣水西

江東佳已厭又却復一作過江西急雨投涇縣窮

秋渡賞溪稻田猶少水山路已多泥珍重高叢僧

意求詩索自題

宿秋霜閣後方丈

秋霜閣後山屈蟠一作行人衝泥脚未乾正是

水西佳絕處不辭風雨夜深寒

水西與李彥恢相從余將取旌德趨徽
 州李恢先歸旌德相候彭元任亦自
 太平縣來相送遇于三溪驛遂全過
 旌德道中呈二子三首

水溪投宿近秋霜起聽晨鐘厭一作東裝尚惜
 故人輕作別亂山深處過重陽

五

村場踞僻多無酒野菊寒深亦未花底事中原
 歸不得又扶衰病過天涯

三

白頭懶入少年場二老追隨却味長預喜尊前
 聽清話夜窓相對一爐香

休寧縣與汪致道諸公別後晚宿黟縣

界魚亭驛二首

竹密如雲不見天好山無教簇溪田祇因點縣
 溪山勝盡在魚亭驛舍前

二

故人相送別休寧山路籃輿睡復醒所恨溪山

正佳處不能同我到魚亭

寄宣城故舊

宣城經歲無他事尚喜交游不棄遺
疊嶂樓頭納涼處宛陵堂下採梅時
君今尚要一囊粟我去亦無三徑資
歸臥雲山更深處因書頻報故人知

祁門道中四首

去程歸雁兩匆匆行到荒山儘上頭
試問中原何處是只言東些是宣州

風落千山雨夜鳴時因歸夢識宣城
欲知溪路行多少已過徽州第五程

三

宣城人物未全衰一作未四士風世流
不一作未知別後畧無佳語向道中
終有數篇詩

四

詹即逸氣今誰似李令清言久不聞
獨立共傳摩詰後隱居還見伯仁孫

桂林別珂首座二首

故人相望馬牛風
世事波濤混漾中
灘水東邊
兩年住往還
終有一珂公

北歸我已辦行纏
久約相從却未然
何處雲山
堪著子
亂松回首嶺南天

答趙祖文陳夢授

嶺海畏深入江湖
成遠遊猶懷不活怖
少為故人留
若乏瓊琚報
虛蒙札翰頭
投因來問消息

不必計沉浮

寄趙十一弟

親朋雖近懶追尋
湖嶺歸來病至今
寄語洪州
趙從事
忍令無酒過冬深

丁丑十月十九日楊宗本補奪行藏園



東萊先生詩集卷第十一

東萊先生詩集卷之十二

呂本中 居仁

浮梁道中見小松數寸者極多然皆與蓬蒿雜出不能即長也余傷之作詩

寄范四弟

青松數寸根意出千丈外如何蓬蒿底此志久未遂朝為牛羊踐莫受塵土翳雖云歲寒姿當此亦惟悴今年雖小出尚與凡草類會須扶其根與作棟梁計大廈千萬間匠石所睥睨世或

未盡知慎勿傷汝志

自祁門至進賢路中懷舊二絕

雨歇踞踰滑山空鳥不飛却思無事日騎馬踏
泥歸

五

汴水夾榆柳今留胡馬蹤如何進賢路只是見
青松

離洪州渡西江至翠微寺紫清宮

平明渡西江西山正崔嵬中流激浪作細雨隨

風回促權赴前浦頗為風雨摧寒沙引細路人

家半山隈密雨陰修竹久旱無莓苔晚入翠微

寺諸峰環抱來其西洪崖居百代所仰懷何年

蛟龍怒更擊深山開懸瀑瀉洪井噴噫藏風雷

客行少休息暫此得徘徊城市二三老咫尺不

得陪豈無陵風翰邀致山中臺澗水清且寒可

以當餘杯獨來不敢久恐為神物猜

宿翠微寺

西山今夜雨不為故人留泥滑淹行李風敲欲

送一作晚秋中原且多事吾黨豈無憂明日經由地江南更幾州

發翠微寺

古殿突兀風有聲粥魚欲打鷄三鳴披衣起坐問行李僕夫屢報天陰晴昨日踞長頸雨阻今日東風得無苦杉松連山寒欲動橋袖隔籬香半吐却憶京城無事時人家打酒夜深歸醉裏不知妻子罵醒後肯顧兒啼飢如今流落長江上而至盜賊猶旌旗已憐異縣風倍僻况復中原消息稀

原消息稀

送宗仲安往慶州

已流之水不可以復回已往之日不可以復來惟有野外籬邊之黃菊年々歲々見花開君如此菊不我厭處々相逢不我同酒杯三年喪乳那可說君頭已白我齒缺高才抑塞久未用坐守松檜凌霜雪君今又作章貢游我猶少忍住筠州破屋不憂遭鬼瞰端坐或恐貽一作神羞求田問舍古所歎敢有遠去惟身謀為約嶺南

三數子明年乘興欲却一作東流

與仲安別後奉寄

出門送君時一步再徘徊雖云非遠別念與始
謀乖欲求連塙居故作千里來君今不我待欲
跨洪溝回我獨滯一方後會良未諧冬初風浪
息蛟龍深蟄雷其在中原盜所至尚揚埃子行
莫夷猶恐致狼虎猜胡人更遠遠畏死投煙霾
皇天久助順似不及吾儕獨以智力勉寧有此
理哉因書寄苦語亦以謝不才新春好天色指

望妖氛開即當候歸鯨取酒尋尊壘欣然得一
笑便足穰千災豫章百里遠可以慰客懷須君
起我病同上徐孺臺

題筠州僧房

客來無語坐禪房共賞西窓一榻涼山路雨餘
新筍出江城春色雜花香厨煙已逐鐘聲遠樹
色初隨塔影長敢道閑居便安穩今年更欲下

湖湘

離筠州

舊日閑居日無悵已倦遊如今避地走不復為
山留淮甸初經夏江西復渡秋今朝小亭望東
北是筠州

題園悟與惇先法語

杲公昔踏胡馬塵城中草木凍不春胡兒却立
不敢問其誰從之惇上人袖手歸來兩無語如
今且向江南住雲居老人費精神送向高安灘
頭去

建城道中

建城南路入袁州怪石縱橫水亂流盡日夜冠
在圖画百年心跡付林丘中原未作重歸計胡
馬能令此地憂浪跡江湖亦吾分運籌帷幄有
留侯

行至醴陵寄故人

淺溪砂磧寒月白樹影疎我行天一角所至尚
踣躅偶逢勝絕地不異嵩顛居臨流遂忘歸默
坐數游魚寧知胡馬鬧江縣已丘墟故人亦未
來一旬三寄書不必問淺深但當膏子車新霜

隨北風慘、度重湖相尋近五嶺慎勿厭長途
將至南嶽先寄演公禪師善公華嚴
胡馬揚塵烽燧作我行乃在天一角江西妍足
過湖南本赴郴陽故人約中途群盜又蜂起所
至往、為囊橐遲回改蹄心自笑隱忍畏事人
所薄不因此去渡湘水更欲何時到南嶽山中
况有二老人萬里同來且安樂遙瞻見我大應
笑白鬚黑面都如昨平生故舊幾人在不早從
公老丘壑自經喪亂可過從每一思之懷抱惡

請公更說因地初一解人間因慧縛

遊冠南行

何處田園不是家儘扶衰病過天涯山村酒熟
人、醉客踏春濃處、花敢道嶺南無賊馬側
聞江左尚胡沙囊空甌倒君休笑亦有新詩伴
齒牙

貞女峽

欲上貞女峽江險未敢行豈是畏江險愧此貞
女名時經喪亂後世不聞堅貞烈士久喪節丈

夫多敗盟寧聞閨房秀感義不偷生窮荒札法
在尚此留佳釁時事有通塞江流無濁清欲行
勿憚險為君先濯纓

山水圖

君家茅屋低蓬蒿客來頗厭蛙蚓號何得有此
山突兀氣壓太華凌嵩高坐看遠瀾受懸瀑似
聽蛙步鳴秋濤槎牙老樹半枯死上倚絕壁緣
飛猿我行日畏盜賊逼敢厭瘴癘同腥臊偶逢
坐穩懶歸去豁達眼界無纖毫嶺南山水固多

異恨無中州清淑氣對君圖障心恍然便如一
似太華嵩高前君但對此能高眠當有好句令
君傳

連州陽山歸路三絕

蒼黃避地出連州遠谷深巖懶轉頭歸路始知
山水好少留村驛當閑遊

五

稍離烟瘴近湘潭疾病衰頹已不堪見女不知
來避地強言風物勝江南

嶺外從來不識春，青梅年後已嘗新。深山忽有
殘花在，知與清明待北人。

陽山道中遇大風雨暴寒有感

嶺南二月春已盡，百花委棄隨風吹。山前山後
綠陰滿，已過中原初夏時。不知何處氣忽平冷，作
疾風雨夜，作雷乘之。鞭笞宇宙蔽日月，萬象倒
錯藏光輝。巖傾澗絕水府現，捕搏虎豹擒蛟螭。
百圍老樹不須說，忍凍欲壓摧其枝。崢嶸屋瓦

走飛電如戰，初合麾旌旗。我行避地更值此，閉

目但聽見啼飢。僕夫噤死者，數輩牛馬懼不存。毛

皮長途三日斷，還往况有烏鵲凌雲飛。只今胡

塵暗江路，盜賊往來乘餘威。良民雖在困，須索

四海萬里皆瘡痍。天公忍不一顧此，反更震動

窮荒為此方。亦是神所主，吾欲告訴心先疑。明

朝風定寒亦解，收召魂鬼尋歸期。澗毛自可薦

筐筥，試出苦語令神知。

答朱成伯見贈四首

三年轉東南足跡不得息新霜未壓瘴已畏賊
馬迫逼一作蒼黃度嶺去山踞飄葉志慨然念平
生謬自有欣戚交游半鬼錄在者費相憶朱卿
早聞道一如見舊識新詩入要妙如射已破的
我行囊貯空所至但四壁豈知投異縣忽枉和
氏璧斯文得未爽喪豈係不繫人力出門仰高山此道
如天直

五

我適蒼梧野君來洞庭岸相逢迫逼一作盜賊一

笑未得款欣然望眉宇於我意自滿天寒道路
長歲晚日晷短僧房肯再來晴窓自妍暖

三

入林恐不遠入山恐不深城市有深遠不必在
山林隋珠不自寶豈在須淵沉斷弦得餘遺譜千
載有知音

昔在中朝時每從賢俊遊酒酣握手歡預懷今
日憂兩經嶺嶠春三度江湖秋朱卿抱竒節好

語忽覩我無濟世策君有活國謀相尋不相
笑夜光猶暗投道喪師友絕寧有民不偷風波
極浩渺欲濟能無舟

連州行衙水閣望溪西諸山

嶠南氣常昏終日如霧隔我來已經時初不辨
山色紛々翳犯眼默々悸動魄今晨忽晴快如
語見肝膈群峯挿天青野水恣意白深窺木杪
靜細數鳥道穿天心豈無意直欲慰北客終經
盜賊擾更脫瘴癘厄湖湘雖未定勢已初夏迫

頗聞胡虜遠不復更追索我歸當何時倍事累
千百便擬衡山前今年飽新麥憂慮則未已四
海方徧仄群公猷納際或肯任此責先當肅區
夏次用及蠻貊豈容胡虜暴歲必有大獲天雖
未悔禍世豈無良策生一作人苟未盡狐兔當
有宅

贈歐陽處士

愛君少年便知足今君雖老更轉一作無欲閉門
不出動經時保此無窮清淨福黃衣弟子雜僧

徒共守荒郊，數椽屋門前。山水各有態，君但踈
籬對修竹，直如季路耻。有聞清似之，推不言禄。
坐看世事雲，變化一任兒。曹手翻覆上，皇龍飛
三十春。臨軒亦嘗思，異人詔書屢。下廣搜索當
時幾人能識真，君時數名動天子。高卧不起空
逡巡，漫收符籙養丹火。一旦四海生風塵，我來
見君斛嶺下。識君無營真靜者，殷勤愛我莫遽
行。尚肯相從結茅舍，時當喪亂足淹留。豺狼恣
橫空，山夜他年有意過匡廬。廬一作山更許淵明入

蓮社

嶺外懷宣城舊遊

中原未敢說，歸期却憶宣城近。別離疊嶂雨來
如，西裡敬亭秋入勝。花時每憎早濕尤，多病苦
愛風光屢有詩。今日衰頽那可說，鬢鬚經瘴總
成詩。

余避地踰嶺，寄書宜章孫氏，賊去則盡
失之感歎有作

賊馬縱橫未說歸，草間梁上借餘威。布帆此去

應無恙銀盃從來亦解飛世事只堪開口笑
人空有食言肥自慙學道工夫少坐覺文書倒
眼稀

過嶺將至江華先寄朱伯成二首

自怪匆匆來往忙又携兒女過湖湘敢言此地
多安穩且過新年離瘴鄉

二

嶺下微陰已自寒早行山路覺衣單故人見我
應^驚經^法笑疾病衰頹却據鞍

端午日北還至斛嶺寄連州諸公

嶺上逢端午隨家更北征隔村聞賊鬪通夕畏
蛇行厭病初辭瘴衝泥却勝晴猶憐昌歎酒不
與故人傾

山居素飯

豆苗可瀹瓠可羹^羹僧厨^料半飯蒸香粳道人得此
清淨供下箸已勝肥羊烹平生為腹不為目便
逢一飽心自足晚菘早蕪舊所知五鼎百牢未
為福

寺居夜起

山深夜無人竹密風露集長空新過雨尚覺斗
星濕避地走天涯如何免拘繫朝憂粟囊盡暮恐
賊報急荒城兵火後所至復來葺古寺半顏垣
裊鼻嘯鬼亦泣感事念平生徘徊近塔立

寺居即事三首

瘴癘過庾伏庶幾其少瘳甘心忍殘暑指日是
清秋汴水他年別柳江此日留如何理歸夢只
見嶺南州

因循過嶺表忽復到湖南氣力渾非舊情懷老
不堪無錢供痛飲因病廢清談尚有尋書僻窮
搜未免貪

二

中原是何處敢道幾時回一夏無書讀經時畏
賊來老松猶偃蹇病鶴又摧頽莫怪論兵少吾
今心已灰

贈夏庭別兄弟

披沙揀金勤乃見讀書何止須百遍如心期已
不凡况有長兵可鏖戰一寒濕薪薰病目君但
讀書敲徹屋僧房夜永燈火足更肯襤衣來同
宿

墨梅

嶺南十月春漸回妍暖先到前春梅問君何處
識此妙一枝冷艷隨霜開長江凜冽欲奔所乃
見好事移墻隈初疑滲漉入瘴霧更欲寂莫埋
烟煤微風不動暗香遠淡月入戶空徘徊坐看

以下字
本脫

粉黛化羶惡豈但堯李成輿臺我行萬里厭窮
獨疾病未已心先灰對此不覺三嘆息恐是轉
側同南來異文^鄉處少意緒破壁相對無根荖古
來寒士每如此一世埋沒隨蒿萊遁光藏德老
不耀肯與世俗相追陪輪囷離奇^{一作多}用見
犧尊青黃木為一^{一作}災含毫吮墨去顏色况自
不必須穿我歲窮踞遠莫惆悵此去保無蜂蝶
猜

賀州聞席大光陳去非諸公將至作詩

迎之一有次韵字

五年避地走窮荒
嶺海江湖半是鄉
歡喜聞君俱趣召
衰頹如我合深藏
曉寒已靜千山瘴
宿霧先吞萬瓦霜
日下江頭望行李
幾回驅馬度浮梁

送周靈運入閩浙

青松著塵市不辭
塵土侵忍耻伴
堯季不言故歸林
交游在賤貧始見
平生心周侯客異
縣屢蒙金玉音殷
勤不我厭自昔以
至今使其少富

貴未必能相尋
豈謂子誠然此風
今則深子歎轉嶺
海歲暮足愁陰路
經盜賊窟往々未
就擒加鞭策駕馬
欲行無滯淫故人
散天涯所在亦崎
嶇歎相尋倘見及
道我病難任

次韵錢遜叔見寄

異時文物漢庭臣
公是中朝第一人
忍使閑行犯山瘴
不令疾去埽胡塵
情懷緩老原非病
時運方隆只暫屯
顧我衰頹已無用
尚煩新語訪沉淪

贈宗真上人

到處相逢是偶然
湖嶺屢經年
贈君頌子
君休笑我已新來不問禪

丁丑十月二十五日校宗本



東萊先生詩集卷第十二

東萊先生詩集卷之十三

呂本中 居仁

全州與解子申向伯恭相會

五年流落判西東
尚喜交游一再逢
但得低頭拜東野
不妨下臥見元龍
中原極目山千疊
往事傷心酒一鐘
如我支離又無用
敢因窮約廢過一作相從

初至桂州二首

連年走避方所至
若郵傳未論道
艱阻先問米

貴賤、勢來未已行後我已倦解鞍憇空館敢
歎此異縣清泉上短綆一洗塵垢面瘡癘非不
深羨醞良可戀

二

胡沙又衝突賊馬亦馳驚我行不得息終歲在
道路敢言更多事尚恐與時忤低頭訪殊俗何
處可收步江流下滄海日慘蛟鯉怒出門尋故
人風雨已斷渡

桂枝解后拜見仲古龍圖吉父學士別

後得兩詩書懷奉寄

所至艱危裏如何更別離只看山似戟合髻
如絲湯熨徒增疾文章不療飢端居溫餘論苦
語自成詩折老久高卧曾卿仍倦游全為萬里
走肯避數年留賊幟江湖晚嵐煙嶺嶠秋相逢
得穩乘興莫東流比輿之二行公皆款為

次韻吉父見寄新句

詞源久矣多歧路句法相傳共一家良賈深藏
宜有待大寶可圭在無瑕長江漱、看秋注孤

紫微集
霧悠悠伴落霞盛歆寄書商權此嶺南不見雁
行斜

桂州水西

隆：而雷風乘之斷霓落日江東西江頭古寺
頗岑寂僧簷正與南山齊我來端坐已寒暑終
日看山默無語盜賊連村那敢問藜藿充腸未
束為苦早禾已旱心所知正待山前一犁雨

斷橋

三月中作

橋斷客途少春深花已休閉門尤省事于世轉

無求來往只諸老相期非壯游歆知身所住回
寓訾家洲也時獨范叔器季平裴夢旼數相過從

贈嶺東陳秀才

風吹賀江浪如雪浮梁左右行人絕病夫坐穩
懶出行破屋只愁吹瓦裂東縣陳卿忽叩門笑
語歡然相暖熱怪我長貧走道路所至不安寧
有說鄰州賊報又警急歆泛舟扁窮百粵如君
長材亦未用獨守區區負竒節未能俯首効兒
輩肯便出門探虎穴馬群時致千里足烈士寧

無一時傑我復何人敢言事一世摧頽甘短拙
幸君無事時一過喜聽高談徒其决瘴癘參差
畏久留歲月崢嶸惜輕別

衡州逢解子中別後奉寄

我来筠水陽君亦發章貢相逢瀟湘門及此兵
未動聞羽書馳起已行者眾匆々不及款尚辱
苦語送慨然念平生相從已如夢交游半生死
所至多罅縫我哀學不入一作君亦老未用熟
知一世中有此九鼎重子賤則君子閔子言必

中師門未透絕斯文寶天奉別離又幾日坐想
發孤諷衡州逼南嶽湘水寒不凍頗傳江西擾
盜賊已放縱徃從田蘇游此樂不得共

范縣丞惠雙鷄

羸病不能除肉味每逢齋缺鉢愧餘生雙鷄未
可為公饒留與山僧報五更

王撫幹失去毛裘

王即隨身一駝裘偷兒透作壑失舟春初未免
霜露迫逼一作歲晚可無遷徙憂客房夜坐薪當

燭不怕近江風裂屋馬平編戶更艱難君行莫
忘民號寒

四十二弟將還賓州相過夜話

兵戈久未歇所至轉搶攘萬里逢吾弟三年走
瘴鄉春風入古寺夜雨暗浮梁尚肯流連否僧
廬可對床

呈折仲古四首

市酒酸甜久絕沽濕薪薰眼坐僧爐尚憐知老
無機一作事不待愁人折簡呼

二

龍閣老翁流落久如今辛苦去朝天向來嶺海
經行地分付壘溪著釣船

三

已無厚祿故人書尚有相尋長者車所至紛然
兵火裏不知從此更何如

四

疾病侵凌百不能只今全是住庵僧謝為肯安
蒼生起早與吾君了中興

次韵王撫幹見惠

新春忽一作到庭除短褐經一作寒病却蘇漫以
 詩書教兒子懶將薪水倩童奴天涯每覺人情
 薄眼界何知風景殊萬里相逢君莫嘆好山無
 數簇城隅

次韵王漕見贈并寄曾吉父二首

前賢去則遠今代不無人小出已無敵深藏恐
 未仁兩章知思苦一語見情親往歆忘衰病知
 公筆有神

二

曾子住南國端居無所思
 不用酒投筆謾成詩敏捷忘千慮
 縱橫又一奇于中有佳處莫待折肱醫

次韵折仲古見贈

未有絲毫補縣官幾年流轉但求安
 江湖自稱嵇康嬾故舊空嗟范叔寒
 顧我初無食肉相喜公復著侍臣冠
 新詩不忘東山平一作志敢作尋常禁近看

再用前韵奉和

自昔支離畏怕一作作官只今猶望一枝安飽知
時態病良己心喜故人盟未寒所至軍書銷日
月幾回戎馬污衣冠公歸定有安邊策不學愚
夫靜處看

夜坐有感

五更月落鷄未鳴小炉殘火猶晶熒道人強起
理衰疾不聞松檟聞雨檝跣坐穩百念去豈
有宿夢令神驚平生于世萬事懶况復今茲飽

憂患中原北望四千里三年不見南飛雁著身
天涯未為遠所至風沙莫深嘆時寒但可一作赴
僧房火日暖可但一作依赴隣家飯嶺南無瘴便可
老江頭有酒猶堪喚嗟哉甯子不自休辛苦飯
牛過夜半

送密上人歸江西

輕舟若先行羸馬我已往湖山已在望南嶽行
可仰不憂盜賊繁漸喜草木長密也負奇氣少
已離塵網飽叅諸方禪所至被稱賞獨留末後

句未肯休吾黨徑尋卓錫地更足以自養囊空
脚頗健體儉心甚廣喜談江西妙處猶如一作指
掌未見頻寄書悠然發遐想

送常子正赴召二首

屬昔一作者閑居久今來促召頻但能消黨論便
足掃胡塵衆水同歸海殊塗必問津如何彼黠
虜敢謂漢世一作無人

二

疾病老逾劇交親窮轉踈惟公不改舊怪我未

安居日月干戈裏江山瘴癘餘因行有李白亦
莫問何如

頌送山上人遊南華

三浙三衢未說歸且從嶺路訪曹溪盧公若問
南來事但道江湖盡鼓鼙

山頌送譚師直歸湖南

人事日翻覆昔同今不然于心苟有用與世自
無緣剩結官田社飽茶雲蓋禪已勝高鳥盡徒
泛五湖船

送能化主還法輪

嶺外三年避賊忙法輪元不下禪床君歸却說
嶺南事瘴暑作詩君自涼

送夏少曾兄弟

處々人家避賊忙數因行李問舟航江橫晚照
鳧鷗乳春到空山草木香我未有緣離嶺嶠君
今決策下湖湘定知此去添貧病不及相從氣
味長

本中將為江浙之行念當與夢脫遠別

感歎傷懷因呈長韻奉呈

客行已無聊况此憂慮集頽然念遠後未_見勇

可習虛度覺氣潤遠視螢火濕故人_不我厭踏

雨相勞揖朝餐共飢飽夜語同坐立問我去此

邦何用如此急干戈與瘴癘未見可出入何殊

知二五而不知有十俛首謝勤意此非愚所及

天涯重離別所至方業定感懷平生舊忍效兒

女泣胡沙救中原道路滿荆棘世事古則然臨

分莫于邑

贈日者張直夫

因循避世不求名
潦倒江湖過一生
賈誼定能尋季主
子雲先已識君平
獨行市肆口無語
嬾踏權門身自輕
看甌生塵只堅坐
世間似君寧有不平鳴

永州西亭

舊聞西亭勝
獨盛湘湖間
山秀水亦好
千里在憑欄
今來乃不然
眼鏡故未寬
環城但濁水
滿目唯荒山
如何柳司馬
肯為此解顏
始知憂慮

久方覺可遇
安我從避地
來山水亦一作飲觀
初不厭嶺嶠
况敢一作嫌荆蠻
徘徊念昔人
亦足故意看
所慙二三子
來不倦躋攀
開軒納微涼
共享一日閑
說詩到雅頌
論文參詰盤
快若箭破的
圓子珠在盤
此樂固可樂
此盟安得寒
天暑畏道路
時危安一作阻艱
相逢得少款
莫問何如還
何須待杯酒
始盡平生歡

洛溪

五月行人汗如雨
意緒昏、雜塵土
洛溪一見

紫微集
中興碑便有清風濯煩暑中興之業誠艱難敢
作漢武周宣看紛然大曆上元間文恬武嬉主
則孱但知追咎一祿山袖手不作如旁觀天亦
未使庸夫子故生李郭在人間一時節士張許
顏其誰不知唐已安道州落筆風雨寒魯公大
書鎮百蠻訶叱水怪摧神姦有神若此世所嘆
而不能使君心還我來轉嶺逾千盤對此凜然
清肺肝想見群小遭訕彈爾曹何心猶誕謾至
今怒髮常衝冠

送元上人歸禾山

長鷲而寂方作而息如射破的初不以力子深
居山又處絕頂避鷲不作二事俱屏往來臨川
道里且千一見我喜如舊交然我欲屬子重于
發言子請則堅之子之賢遍尋諸方不主先入
唯是之從何拘何執惟昔善財我曹之師其心
廣大誰能間之山高海深德則不孤不高深不高
培塿潢污奚必深山惟靜之守求寂念息以閱
永久

贈一上人

偶從嶺嶠轉江東得見^向疎山見一公所至^{一作}時昔
共游常草爾來相遇更匆匆是即埋骨虛無
裏壁老收骸^{一作}蒼莽^{一作}蒼中二十餘年往還
事半隨秋雁落寒空

贈珪公杲公四首

北歸住江西塵事日窘束兩公時踵門高誼已
絕倍空房擁殘火更許相就宿不嫌寒無檀肯
厭飯脫粟

二

杲公玉壺冰所至自清淨珪公出林鶴肯與鷄
鷺競吾窮得兩公頗覺意氣盛未能出艱危猶
足起衰病

三

杲固昔所熟珪亦舊聞名江西一聚首遂寬南
去程埽除文字習追尋香火盟期君向此道隱
若一長城

四

堂頭老居士我識蓋自早
散名從少年閉戶今
却歸公能為少留尚可慰
枯槁款知主人賢但
看此二老

次韵錢遜叔清江圖後二首

公但一室堅坐我方萬里生
還共作十年清夢
同尋五嶺名山

二

作清江三兩曲勝大厦千萬間
若保此中安坐
不必中原遶還

次韵錢孫叔獨鶴圖三首

長頸竦身懶不前此寧有望
更騰騫懿公受爾
非無意要壓曹人三百軒

二

粉墨半銷翎翅短正如衰髮
不勝簪可憐少保
功名悞薦此凌雲意不堪

三

眼明見此出籠籠似我北歸
辭瘴嵐慎勿莫一作
低頭待收養人間欣戚盡朝三

次韵钱逊叔画圖

西風著人塵滿襟江山緘近難追尋當年寫此
數幅妙坐使儿案頻登臨斷雲黯慘出古寺遠
岸香靄連荒岑漁舟蕩漾江路晚煙雨濛籠山
路陰店已知落筆筆下作氣象古一任世間消息沈
最憐霜幹倚長石不待歲久成枯林知公此中
興不淺此畫故能留意深只今燕坐一室裏尚
費從來長短吟詩成掩卷坐秋晚一唱三歎求
遺音

送一上人

我齒久已搖君髮日向白相逢不相咲共彼老
境迫周旋三十年近多間隔伊昔無事時日
夕望顏色此道要琢磨苦語費思索不能如宿
心每負朋友責別我寧陵縣隨我昭德宅所期
無二三可恨已千百交游大半死况值兵火厄
舉首望八荒無乃天地窄涼風吹秋深江湖動
行客誰能于此時際作出語見肝膈胡塵蔽中
原盜賊暗阡陌公其無遽行待我有良策

錢遜叔諸公賦石鼓文請同作

江頭羽書相續來城中草木凍不開腐儒坐視
 了無策但守寒炉吹死灰我公送我石鼓文令
 我琢句要春回簸蕩風雲走一作蛟蜃百虫文
 蟄聞驚雷錢公自是力扛鼎持此浮游轉湖嶺
 漢碑秦篆已么麼况復鍾王敢馳騁後來頗供
 現女弄神物有知當遠屏石鼓之文公所知正
 是周室中興時庶幾我皇亦如此一掃狂虜隨
 風一作飛石鼓之文尚可讀小臣願繼車攻詩

和邢子堅韻

萬里重歸舊秃翁笑談聊復與君同鷓鴣所願
 一枝足聽鼠從來一作五技窮短髮自梳渾欲
 白殘爐因客尚能紅正須混迹師元亮未忍低
 頭學敬通

東萊先生詩集卷第十三

東萊先生詩集卷之十四

戲呈東林雲間二老

呂本中 居仁

幾年湖嶺費追尋尚喜歸來聽足音
禦虎已知吾有命問禪方見子無心
風塵躓慘病如昨歲月崢嶸窮至今
猶覺相逢有餘恨老益盛酒不

全斟余常以謂共與共飲也而不得共飲為二公起

惜曉此語者詩
伊具一隻眼

佛日縱步相尋索歸甚苦戲成絕句

相逢不用苦相推一作直到更深月上回莫怪
室空無侍者夜窓相對有寒梅

東林珪雲門杲將如雪峰因成長韻奉
送

東風被澤國君有千里行送君不能遠宿昔春
水生胡馬汚中原旁淮多賊城即今江南岫盜
賊猶縱橫頗聞閩粵靜農民方及耕雪峰佳主
人况款屣履迎兩公與談道正款平其衡但見
演若頭自然心地明云何未覽鏡便款其流清

君行可語此勿復見女驚鄰夫牙齒缺苦遭塵
事嬰七年奔走一飽費經憂營野鶴出籠飛尚
須完翅翎今者與君別故鄉他日情新詩見萬
一庶用託同盟

贈童堯詢蔡楠謝敏行

七年避胡塵無復少年事遠從嶺外歸眼病不
識字尚幸戎馬間得見此數士蔡童城南傑所
養蓋有自兩謝名家子學已前作似相逢眼暫
明已足慰遲暮如何捨我去使令一作我起千慮

江深羽檄繁况此日月驚猶餘大謝留與我相
近住風霜眇墟落泥土暗道路得無經一作此
別各復走他處期君則甚遠苦告一作語不厭屢
微言恐遂絕其誰與知一作調護要當發憤求不
欲一作未可僥倖遇聖門極坦平渠自有回互河清
倘有期未死或可俟

和范仲熊舜元游橘園見梅

橘林經日一作雨未全衰歸路人家已見梅風物
粗知如一作江左勝瘴煙新離嶺南來頭筆有眼

方知秋句裏忘言始絕埃但得一寒無事過與
公還往勝街杯

答錢遜叔一本有訪戴圖三字

北風吹霜夜如雪江城草木凍欲折病夫袖手
無所為一坐臨川已三月忽蒙妙句起衰憊頓
覺和氣生毛髮公能忘機我亦倦不待曼殊見
摩詰西園是非久未解况保長年不磨滅請公
置西莫多求要與時人除愛渴

與錢遜叔飲酒分韵得鳥字

客游茅浮如薄萍歲事如過鳥逢公得一咲不
厭古寺悄雨敲喧客耳燭影吹半裊宿醒未及
解更覺惡韻擾時方足艱虞身未識要妙如何
一杯酒便出萬物事一作表別公願一言使令
我意易了

贈別范一哥

相送不嫌遠詰朝當語離文詞知子進道踞覺
我衰力疾終無補徐行敢厭遲臨分更回首苦
詩漫成詩

送謙上人回建州三首

子來不憚千里遠我病可無終歲憂相見匆
又相別主人無恨一作客無求

二

平生苦節胡元仲老大多才刻致中為我殷勤
問消息十年堅坐想高風

三

遙山渡口晚猶寒道路奔波未許閑頗恨獨來
不同賞竹輿穿雨上疎山

與范益謙炳文叔儀步月一云與諸范

步月

歲月忽已過羈窮非獨今
稍嗟分白水月影上
清陰吠畝平生事江湖他日心
相過無百步獨
覺費追尋

陸庭元紹意齋

聖人毋意物我同大賢庶幾其屢空
今君胡為用此意乃欲酬酢萬化
參天工客來無窮君不厭所施
不同皆有驗風寒燥濕互相代一理驅

馳無頓漸衡門端宴

一作宴

坐一事無象皆切君

有餘見賢不避忘其軀肯與倍子爭
錙銖知君此意久已絕為爾病生
吾有說侍儲百藥待百病任爾紛
強分別君但守此心如鐵偏與衆
生除衆熱是則名為無意訣剝放
南山一作憲著秋月

病中口占示益謙四弟

病來全少靜工夫藥裏關心計已迂
縱使君來亦無語更無餘法待文珠

竹夫人

與君宿昔尚同床正坐西風一夜涼便學短檠
墻角棄不如團扇篋中藏人情易變乃如此世
事多虞只自傷却笑班姬與陳后一生辛苦望
專房

郊居

紛々倍駕不容攀尚喜郊居絕往還野寺並冬
終日雨客房無事一爍閑平生說談舌猶在病
起彫踈鬢已班始悟莊周太多事處夫才與不

才問

送楊蒙秀才往樂平

我有閩粵後君成江浙行窮途一回首歲晚倍
傷情佳氣占雲在妖氛是賊營如何抱竒策不
一請長纓

寄題暨和卿雙蓮亭

異畝全穎久未出雙絡共抵復何物今君何以
得此花和氣所致無它術雙蓮共蒂中連理相
映同心出秋水
池塘曉自涼雙蓮中含風

露香飛燕姊妹第一作不相妬並騁逸艷來昭陽
自然容質見高韵不必粉黛呈新粧君家孝友
聞近郡一作縣故俠奇祥眼中見一洗東南戰鬪
塵小人知之亦草面我來崎嶇山嶺間忽聞雙
蓮能解顏請君更畫作圖看無使惡木君雕殘

簡范信中鈴轄

交游契分如君少湖嶺溪山似此稀夾路梅花
三十里故人雖病莫先歸

二

海角相逢又一奇更憐朋舊得追隨滿堂舉酒
話疇昔疑是中原無事時

三

他日曹南十日雪訪君尋酒不能回梅花此日
懷安路更有清詩入坐來

次韻李仲輔簽判

曉晴破雨却寒天海上風光絕可憐更欲陪公
了春事不須乘始醉逃禪

西施舌

海上凡魚不識名百千生性一作命一杯羹無端
更號西施舌重與見曹苾妄情

和秦楚材直閣韻

胡馬南來議擊毬忽聞羗虜斬楊會擣事則謀
為擊毬之會漢宣帝時羗虜斬一年春事妖氛
首惡楊王首等二人首皆降服
退萬國歡聲佳氣浮臺閣如君須強起林泉容
我且歸休漢家基業無窮靜盡早晚留侯與運
籌

和展鉢詩

紛々未了向來因同在浮漚寓此身顧我久拚
菴外事知公曾是箇中人齋盂已厭五鼎食詩
卷初無一點塵今代王孫能樂此中興祥瑞不
緣麟

鼓山

危欄不知高下瞰萬里踞滄海近咫尺大舶不
敢度風雲迤舒卷川原更回互如何此道場乃
住絕壁住得非化人居無乃仙聖寓斷崖石倒
懸絕壑水暗聚我行天一涯勝處時一遇病丸

死餘已乏勝濟勝其登臨茲游一作茲忘返尚覺

尉遲暮山林與膏壤未到已心悟

王傳巖起樂齋

人生各有樂所樂故不同吹等與擊缶全在可

樂中孰能識至樂不計窮與通顏子在陋巷肯

憂家屢空朝從聖師遊暮歸無近功忽然若有

合此樂固無窮當時二三子因之開蔽蒙君生

百世下久已聞其風端居有遐想客至聊從容

四壁倚蓬蒿萬卷蟠心胸回視世所求天道送

西東此樂既不遠欲往吾其從

寄范四弟十弟

倍事紛々如乳麻又扶衰病轉天涯文章老矣

思吾弟頭角嶄然勝外家異味幾回占食指遠

書終夕望燈花何時更住城南寺共聽春池兩

部蛙

春日紀事寄內外諸弟

水生溪漲欲容舸疾病因循厭作勞莫道深居

便無事午窗苟養費爬搔

自聞賊報離揚州準擬春來泰出游所恨溪山
最佳處不容老子便歸休

三

長閑漸化讀書癖遠道聊行避地行安得薄田
了糲粥便相依倚過平生

寄諸弟

九年在奔走一飽費經營此日窮居意他鄉獨
徃情相憂只有病所至但論兵尚喜吾諸弟形

模遠勝兒

游鳳池

遠近諸山翠作堆鳳池北望更崔嵬青松夾路
換天去白鳥翻雲旁海來喜有故人同出郭屬
因衰病阻銜盃猶憐不赴對床約獨上籃輿日
暮回

題孫子紹所藏王摩詰渡水羅漢

問渠褰裳欲何往彷徨徒倚滄波上至人入水
固不濡何以有此恐怖狀我知摩詰意未真款

以筆端調盡人此水此渡俱非寔摩詰亦未嘗
下筆孫郎寶藏今九年往來周旋兵火間世人
險阻更百難彼渡水者安如山請君但作如此
觀莫更思維尋筆端

送筍與何晉之
年來念欲深藏頗覺看書氣味長莫怪囊空
無一物猶能分筍送何郎

次韻李伯紀園亭

昔日翱翔雨露邊已將勲業画凌烟便尋松菊

杖前
同元亮不訪升砂學稚川可但海山勝綠野頗
知風物似平泉小園只在虛窓外佳處常當几

本無俗事可裝懷藥圃花欄應手栽乘興聊陪
野僧坐賞心時許故人来頓令此地成三絕不
為他鄉賦七哀鍾鼎山林兩無礙豫章須是棟
梁材

送林之奇少穎秀才往太行朝

我為福唐游破屋占城市城中幾萬戶所識一
林子翦然衆木中見此真杞梓未為棟梁其且
映風日羨子之于為學其志蓋未已上歎窮經
書下考百代史發而為文詞一當後偉夫豈
效鄙夫念彼不念此今來赴行朝學已優則仕
窮通決有命所願求諸已聖賢有明訓不在拾
青紫丈夫出事君邪正從此始

鄭昂用岑參太白胡僧歌韻作楞伽室
老人歌寄杲老

楞伽室中絕皁白去天何止扞趾三百尺只今
更住最高峰齋無木魚粥無鐘已將虎兕等蝼
蟻更許蛙蚓同蛟龍聞道禪說通一線為爾不
識楞伽面一生強項我所知氣壓霜皮四十圍
立人未辨此真偽敢向楞伽論是非諸公固是
舊所遠鄭髯從之新有得欲將此地意向楞伽
但道鵲鳥全一色

贈王周士諸公

空房夜氣清落月旁簷明念我平生友相望隔

荒城我老未厭書破窓猶短檠君亦不柰得一作
 閑默坐教殘長一作更共結香火社同尋文字盟
 王子潮州來一笑冠歌傾午飯展僧鉢村醪傾
 客餅相逢但談道絕口不論兵未免倍眼笑屢
 遭時輩驚一作人生各有趣小大俱有程譬彼
 澗底松難伴池中萍雲鵬與斥鷃已矣兩忘情
 一洗瘴海耳此言君可聽

贈范信中

異時携客醉公家蠟燭堆盤酒迓花萬里溪山

隔春事十年風景困胡沙鄭莊好客渾如昨何
 遜能詩老更佳但得樽前添一笑莫分一作言漂
 泊在天涯

會稽石道叟教授南劍兵火搶攘之餘

興治郡學尺椽片瓦皆其所自經營
 也未期月而學成遠近賴之又祠前
 輩賢者以風勵士多使游其間者望
 之而心化由是而入堯舜之道不難
 也古之教者蓋多術矣五帝憲三王

有乞言憲賢于乞言也道史知之矣

呂本中為作詩叙本末云

聖遠道則微世文學欲絕區、續微言未易勝
邪說石侯東南秀睹此心欲折分教南劍州意
在補止缺歟令兵火後復見俎豆設廟貌甚尊
嚴上下有區別先生默無語風化動閩粵斯文
自明白如見仰日月坐令穿鑿悞不待湯沃雪
不知旁祠誰今代古豪傑孰能與之齊共此歲
寒節入門日在望未返意已竭由来正心術不

在費類否乃知薰陶功自與聞見別參魯回不
愚亦豈有優劣此理倘可求萬古同一轍譎譎
也翁

寄計議弟張彥實錢元成夏庭列

遠書來稍稀叔也經月病微官自拘來歸興復
未定誰能相勞苦頗亦奉朝請安身子有道可
保在不執寧聞鄭子真肯待當世聘張錢平生
坎未貴渠有命舊交餘此人豈戒肯昔日盛衰
即來幾時學問當轉勝高風墮寒梧想助筆鋒

勁同歸定何日不必有三徑相從說平生保此一室靜

寄內家一作弟并示仲輔諸公

江浙音書絕不聞每逢時節嘆離群一秋多病常嫌客日無聊只閉門淺學未容窺易象舊書聊復誦玄文莫言著田彫零盡海內交游尚數君

簡范信中

詩人例窮君不然畫堂繡戶羅婢娟當時乘醉出三峡至今妙句留西川底事新來多退縮梅花眼滿看未熟便期載酒約來冬似要思詩相抵觸曉來寒凜似中原君忍閉門清晝眠我病猶能相追逐知君心期終不倍但携二妙喚諸公一醉落花吾亦足

再簡范信中益謙呈張仲宗

昨日之遊樂不樂主人愛客亦客作不惡梅花遠近徧川谷雨練凜作風捺未全落明日之游復如何城南城北梅更多對酒我不飲把錢君

當歌酒角雖勤主人費且幸吾黨頗相適梅花
縱落君莫歎與君同住海南岸花開花落都幾
時君醉我醒人得知相逢一笑俱有詩如何不
飲令君唾

東萊先生詩集卷第十四

東萊先生詩集卷之十五

呂本中居仁

寄晁恭道鄭德成二漕

二年住閩中不識建溪茶處得殘杯顧未篋
齒牙飢腸擁滯氣病眼增昏花故人持節來憐
我病有加會當餉絕品不但分新芽蒼壁月墮
曉寶勝金披沙一洗肝肺淨兀如還家陰雨又
不解天氣復未佳持詩寄兩公請為交舊誇便
續北苑譜即日定等差

連得三十一叟兄弟范十五仲容趙十

七穎達書相與甚勤作詩寄之
閑居病亦侵世務每絕念猶念二三子從久我
未厭書來不改昨意苦辭亦瞻問我何來時期
我早會面我行但謀食欲去復未便要當相就
居同止山水懸讀我所傳書亦足滿素願開卷
忽有得如欲醇酒醞吾聞古志士學也蓋有漸
欲升天子堂不摘屈字艷倒籬望青天豈必在
窺覘它時倘從容此語子可驗

送錢子虛撫幹往洪州赴新任二首

君不求時用居然如病夫經過閱歲月相伴走
江湖白玉終無玷寒松保不枯同官多勝士總
為致屈

老矣吾無用歸歎子未宜端能出奇策畧為濟
斯時悶有書遮眼閑須笏拄頤西山有爽氣當
報故人知

題是茶道善境界圖

疇昔相從三十年如今休去不逃禪知君參見
法輪老始悟蒼々便是天

境界本來無善惡人間何處有新圖欲知箇裏
真消息臘月寒松永不枯

簡乾元珪老

問訊乾元老江頭幾日回還應艤舫待不作御
風來漫有經旬別頻思一笑開庭前荔子熟尚
要著詩催

贈楊紹祖

城東往還者相近得楊卿處杳如無事為官不
近名匣藏防身劍案有讀書藥此外唯尊酒時
時喚客傾

謝宇文漳州送茶

暑氣侵人病逾劇虛堂坐調出入息漳州太守
送茶米玉圭小鳳俱無敵太守憐我病無語故
遣此茶相勞若千金一餅君未許百金一盞如
潑乳其他鬪芽未足數下視紛紛等塵土病夫

未飲病先愈坐覺爽氣生
肺腑城中車馬鬧如
雨更有樂善如君否
暑雨遂經月客來因稍踈
閉門觀易象反復看
何如妙處元非函微言
不在書故山初未遠舉
首是吾廬

過劉忠顯公鄉縣作

疾風知勁草世亂識忠臣
自古有此語今代豈
無人劉公生東南節義邁
等倫特危出一死以

捍胡馬塵遂令天驕子
稍知吾道尊今至生氣
在凜凜凌層雲我行崇安野
瞻望彼高墳流澤
既未遠有子賢而文會當
廣德業早為建殊勲
此意苟不泯楚人生伍員

夏日生深居

忽以車馬未言還因病深
居未得閑更為故人
留一夏稍移行李過東山
故人多住城東寺還許相
過結淨緣海寇求降

二

荔子熟是中風月念可年

乾元副寺欲還雲門

子有四方志雲門尋舊游溪山往時夢江海向
晚秋物態隨高下生涯任去留將問閑庵主如此是
禪否

慶堯侍者以詩相贈偶成絕句謝之

滿城車馬雜塵埃而至如雲撥不開只有西禪
堯侍者肯衝劇暑送詩來

渴雨簡張仲宗二首

強讀文書不補飢只今一飽尚難期薄雲未肯

蘇禾稼細雨才堪濕荔枝

二

雨濕平林松桂香斷雲弄拂疎篁江山故自
可人意從此歸休策最長

謝楊紹祖惠玉友

我來閩中居中熟久斷酒端居苦無事神氣思
內守故人憐我病小缸送玉友極知此不凡嶺
海見未有感君意則重納約况自牖欣然洗盞

嘗不待捧自手空盃貯玉色一洗市沽醜坐令
百疾去敢復望平斗從今破酒戒可以入道不
昔者相過今幾時心期雖在事多疑滯留江海
君先病悵望雲山我欲歸老境猶存作詩若故
人多有食言肥漢陰老父如無事肯復逢人論
是非

作雨不成旱暑愈甚未能就道

三日陰風雨不成坐嫌衝暑作宵征敢因負故

累公子尚欲閑時尋友生兵甲未休心已醉詩
書頗費眼猶明便須準擬菴居用拄杖繩床折
脚鐺

聞鵲

一夏病如此他鄉閑未回踈簷聞鵲喜知有遠
書來

荔子

南征未厭苦閩山荔子今年已厭餐時有野僧
來獻供每煩佳士約同樂門前炎暑三伏早坐

上冰霜六月寒他日一尊傾念此中州傳買半
黎乾

乾元真歇數約他日同菴居

與君俱自走天涯何處雲山不是家城市少留
真夢事林泉高卧亦空花乏無佳句雕肝腎漫
有微言到齒牙他日一庵如可必願分齋罷半

甌茶

將發福唐

一云別李叔易兼簡士珪

盡此一囊粟我行當有期玄風吹天涯增我別

後思結束向行在問子還來

一作

何時初無濟時

策處事多參差環視何所有無一施可宜形骸
久已病敢微當世知蒙不朋友責定遭兒輩唾
矧世此外人勸歸常恐遲相尋有如日請盟吾
此詩

聽雨

日數歸期似有期故園無語說相思芭蕉葉上
三更雨正是愁人睡覺時

末利

租如含咲全然勝韵比醪醕更似高所恨海濱
出太遠初無名字入風騷

聞第二台對

晚來忽雨已如秋竹枕敲眠得自由忽報諸郎
例升進願容老子便歸休人傳胡虜三千旱勢
合山河一戰收顧我迂踈最宜病祇應隨處是
菟裘

夜涼早起尋李貽季陸慶長所惠詩有

作

夜長忘陰晴忽簷雨滴空房閉重門涼氣通枕
席欣然欲攬被如覓舊相識那知庚伏內得此
睡通夕起尋兩君詩令我生氣力成溪長弄李
已自除棘荆遠游得數士舍此百無益挑燈視
皮膚不顧蚊齧赤_肉之不復寐為子增嘆息

聞大倫與三曾二范聚學并寄夏三十

一四首

我思臨川居欲往意未嫌每懷二三子歲月多
荏苒後生慎所習正是絲在染未湏及軒昂且

紫微集
須就收歛舉動思古人此志豈不遠才雖有高
下事亦要強勉願為江海深莫作盆盎淺

二

世人爭錙銖未語色已變居然面頸赤自處亦
已賤寧知烈士胸自有志願一介不妄取萬鐘
我亦倦古人有伯夷名冠太史傳

三

見人輒有求所以百慮非但能守簞瓢何事不
可為愚夫飽歆死志士固長飢出門萬里塗其

亦慎所之

四

莫惜一日勤而忘終身憂農夫力耕作其必歲
有收秋前不鹵莽久亦有倍收少年不努力長
大復何求

別法一上人

我有江浙後子能乘興來便同湯院浴却為故
人回此道恐遂絕後生良可哀試尋鑰匙子一
一與重開

別後寄珪粹中

一鼓作山

海上相逢兩過秋飄然乘興亦悠悠
送行百里還歸去同是江湖不係舟

哭王元邁

紛紛舉手爭毫末砥柱江湖獨不流
一夕便隨波浪沒天涯黃葉更悲秋

別林氏兄弟

二年住閩嶺所聞足青紫那知萬象中
得此數君子相從不我厭但覺歲月駛
高論脫時俗如

風濯煩暑出處雖未同氣味固相似
人生有離合一作所畏為物使要當吸英華
不必計植滓他年肯相尋在彼不在此

本中欲謀它日復來福唐之東山林請

少穎請作詩以記因成兩絕

老夫馳驅百不宜敢將筋力蹈危機
他年更欲眠雲住同過山東嘗荔枝

二

更作山東住尋盟尚有詩看君騰踏去
及我未

歸時

謝人惠陳家紫

煩君惠我陳家紫萬里漂流合得嘗莫道聞名不相識舊隨籩篋到吾鄉

閑居感舊偶成十絕乘興有作不復詮

次

四海交游一信民後來情分更誰親可憐相伴

谿堂老一去塵寰三十春

汪信民謝無逸

二

一壺聲名高與閔亦知不合任人間不令整頓

乾坤了虛逐松欐半夜還

高茂華秀寔閔沼

三

壁老投冠去學禪堂一一作鼓陳無前平生老

伴唯均父馬病塗窮不着鞭

饒節德操夏倪均

四

屏醫卻藥病良已絕學捐書我又休却到舊時

行履處五湖烟水上漁舟

五

萬里飄然不繫舟
老來專憶舊交游
西風日落
中原路虛度
江湖數十秋

六

唐子直心絕可憐
夏疾苦節更誰傳
諸晁事業
風流在各
有殘詩十數篇
唐廣仁克之伯禹詠
節夫晁載之伯禹詠
之
道貫之季謂之季
此冲之叔用

七

平生親愛獨諸晁
叔也相親共寂寥
半日下來
須折簡
暫時相遠
定相招
叔用

八

病夫長病合長飢
豈復輕隨世上兒
雲雨覆翻
渠有分
江湖潦我無知

九

曾即學行冠姻親
趙子才能又絕倫
仲弟故應
同二劫
一時先後委塵埃
僧執也
趙才仲及余

十

便欲長休老未能
爾來頻愧住菴僧
直須棄盡
人間事
始見從來一點燈

溫泉 一作福州湯院

海上秋來早晚涼
客愁蘓醒似還鄉
歸途尚欲療瘡疥
剩乞溫泉一勺湯

將去福州

委曲隨人久未甘
脩然午枕睡方酣
功名到此終無分
身世從來百不堪
為己工夫今粗曉
住山活計久相諳
他時不用求三徑
投老才須住一庵

初秋

涼風驚木葉
意欲作深秋
客病渾如昨
囊空却自由
因閑得飲酒
端坐勝封侯
寄語平生友
當能為我謀

奉呈鼓山雲門二老

汝水相逢今幾年
只今同住海南偏
月明本自無虧缺
山色何嘗有變遷
他日會逢兄弟語
一時驚散野狐禪
倘因居士閑開口
却作冲和二月天

從叔巽叔覓茶

疾病侵凌轉不堪時思一室奉清談嗣宗已餉
兵厨酒當有新茶惠阿咸

福建界首寄福州親舊

海上秋風吹客衣屢煩親舊送將歸今朝更入
江東路便恐書來即漸稀

嚴州九日坐上贈胡明仲常子正

今年得交舊九日會嚴州城角雲風暮天涯景
色秋功名有長缺行李付扁舟苦恨三年別聊
因一笑留病添文字嬾老耻稻梁謀活國須公
等吾生便可休

方允迪挽詞二首

已矣儒林老今為地下即空山留杖几遺稿漫
文章徑狹風霜遠溪深草木長傷心釣臺踏千
載閔幽光

二

惟君好兄弟少小共嚴名豈止千人傑俱為一
代英云何臥丘壑使至公卿慟哭松風遠悲
雲咽莫敢

程伯禹母夫人挽詩

文矣閨門秀端知玉在淵相夫成令德教子作
名賢遙逐秋色盡空令莫景遷傷心江左地松
柏閉新阡

二

舊隨賢子後每得熟嚴規未獲升堂拜空成相
挽詩爵類賜湯沐壽不期願它日家聲在流
傳世未知

送范師厚宣諭四川

老境侵尋久廢詩送君寧復似當時
虺隤病馬猶長路偃蹇寒松只舊枝
想得山川瞻使節便令父老識家規
忠宣公嘗聖朝本意惟寬大網
漏吞舟始合宜王導嘗造八部從事之部顧和
二當使千石長短和獨無言導問之和曰明為政
其言

贈了老

前年見公滄海上法會堂
萬騎將今年見公浙河東
猶是當時舊老翁送行更有天童老騏

驥齊驅獵霜草野狐射千膽欲破不但獨噴群
馬倒我哀且病百念絕便得從公不為早忘情
遁跡亦未是言與不言俱一埽壺人授不歸
家公行問渠有何好

東萊先生詩集卷第十五